

**TEKS UCAPAN NAIB CANSOLOR
MAJLIS MENGADAP SEMBAH KEBAWAH DULI YANG MAHA MULIA
TUANKU SULTAN NEGERI KEDAH DARUL AMAN
26 Disember 2021 bersamaan 21 Jamadilawal 1443H**

PERKARA	TEKS UCAPAN
	<p><i>(Bersedia di hadapan kamera pada jam 10:00am. Sesi penerangan oleh Pegawai Istana)</i></p> <p><i>(Bersedia di hadapan kamera pada jam 10:25am setelah mendapat isyarat dari Pegawai Istana)</i></p> <p><i>(Kebawah DYMM Tuanku Sultan berangkat tiba pada jam 10:30am)</i></p> <p><i>(Angat Sembah dengan menyebut "Ampun Tuanku")</i></p> <p><i>(Kebawah DYMM Tuanku Sultan bersemayam)</i></p> <p><i>(Angat Sembah dalam keadaan berdiri dengan menyebut:</i></p> <p>Ampun Tuanku beribu-ribu ampun, sembah patik mohon diampun. Patik merafak sembah memohon limpah perkenan Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS untuk menerima patik sembah mengadap secara dalam talian.</p> <p><i>(Kebawah DYMM Tuanku Sultan akan memberi isyarat perkenan terima mengadap)</i></p> <p><i>(Naib Canselor duduk)</i></p>

1.	<p>Ampun Tuanku beribu-ribu ampun, sembah patik mohon diampun.</p> <p>Assalamualaikum Warahmatullahi Wabarakatuh.</p> <p>Dengan penuh hormat dan takzimnya, patik merafak sembah menjunjung kasih di atas limpah perkenan Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS menerima mengadap secara dalam talian untuk patik menyembah maklum perkara-perkara seperti yang tercatat di dalam Buku Majlis Mengadap Sembah kali ini.</p> <p>Patik mewakili seluruh ahli Lembaga Pengelola Universiti dan warga UniSHAMS berdoa ke hadrat Allah Subhanahu Wata'ala agar Kebawah Duli Yang Maha Mulia Tuanku Sultan Negeri Kedah Darul Aman dan Kebawah Duli Yang Maha Mulia Tuanku Sultanah Negeri Kedah Darul Aman dilimpahi rahmat, usia zaman, dikurniakan kesejahteraan serta keberkatan di dunia dan akhirat.</p>
----	--

2.	<p>Ampun Tuanku, Patik mohon limpah perkenan Kebawah Duli Yang Maha Mulia Tuanku untuk sembah perkenal diri patik.</p> <p>Nama patik adalah Profesor Dr. Asmadi bin Mohamed Naim, telah dilantik sebagai Naib Canselor, Universiti Islam Antarabangsa Sultan Abdul Halim Mu'adzam Shah (UniSHAMS) yang kedua bermula 1 Februari 2021.</p> <p>Patik merupakan Profesor yang berkhidmat di Pusat Pengajian Perniagaan Islam (IBS), Universiti Utara Malaysia sejak lebih 21 tahun dan telah memulakan perkhidmatan pada 1999. Kini, patik dipinjamkan ke UniSHAMS untuk tempoh dua (2) tahun.</p> <p>Alhamdulillah, patik memiliki serba sedikit pengalaman industri seperti yang tercatat di dalam buku Majlis Mengadap Sembah ini dan besarlah harapan patik agar pengalaman-pengalaman berharga ini akan menjadi bekalan buat diri patik dalam memimpin UniSHAMS ke arah pembangunan dan kemajuan akademik serta menjadikan UniSHAMS sebagai sebuah IPTS milikan penuh Kerajaan Negeri Kedah Darul yang menjadi kebanggaan rakyat Negeri Jelapang Padi.</p> <p>Patik telah menamatkan pengajian Thanawi Empat di Karachi Pakistan pada tahun 1992 dan pengajian tinggi peringkat Sarjana Muda Syariah (Kepujian) di University of Jordan pengkhususan Fiqh and Usul fiqh pada tahun 1997. Patik juga telah menamatkan pengajian di peringkat Master and PhD dalam bidang yang sama pada tahun 1999 dan 2005 di International Islamic University Malaysia (IIUM).</p>
----	---

3., 4. & 5.	<p>Ampun Tuanku, izinkan patik untuk meneruskan sembah maklum berkaitan kemas kini senarai keahlian Lembaga Pengarah Syarikat (LPS) UniSHAMS Sdn. Bhd., keahlian Lembaga Pengelola Universiti (LPU) UniSHAMS serta keahlian Jawatankuasa Pengurusan Eksekutif (JPE) UniSHAMS seperti yang tercatat di halaman 10, 11 dan 12.</p>
6.	<p>Ampun Tuanku beribu-ribu ampun, sembah patik mohon diampun.</p> <p>Patik juga ingin menyembah maklum berkaitan pengiktirafan yang telah diperolehi UniSHAMS daripada The Association of Chartered Certified Accountants (ACCA) bagi program Ijazah Sarjana Muda Perakaunan dengan kepujian.</p> <p>Alhamdulillah, bermula 1 Januari 2021, UniSHAMS telah menerima akreditasi yang membolehkan pelajar dalam program program Ijazah Sarjana Muda Perakaunan dengan kepujian mendapat tahap pengecualian peperiksaan ACCA tertentu yang sesuai dengan pengetahuan dan kemahiran yang telah diperolehi daripada program tersebut.</p> <p>Ampun Tuanku,</p> <p>Akreditasi ini juga telah membuktikan bahawa, UniSHAMS adalah setaraf dengan Institusi Pengajian Tinggi (IPT) lain dan patik yakin, ianya juga merupakan satu nilai tambah yang dilihat mampu untuk memacu pertumbuhan jumlah kemasukan pelajar ke UniSHAMS, terutamanya di dalam bidang perakaunan.</p>

7. Ampun Tuanku beribu-ribu ampun, sembah patik mohon diampun.

Izinkan patik untuk meneruskan dengan agenda yang ke-7 pada halaman 14.

Patik mewakili pihak pengurusan dan Lembaga Pengelola Universiti UniSHAMS dengan ini merafak sembah maklum dan memohon limpah perkenan Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS, agar sudi apalah kiranya untuk memilih salah satu tarikh bagi tujuan pelaksanaan Istiadat Konvokesyen UniSHAMS Kali Kedua Puluh Tiga secara Maya, seperti yang berikut:

BIL	TARIKH	HARI
1	7 Februari 2022	Isnin
2	14 Februari 2022	Isnin
3	21 Februari 2022	Isnin

Ampun Tuanku.

Sebagai makluman, Pelaksanaan Istiadat Konvokesyen UniSHAMS Kali Kedua Puluh Tiga secara Maya ini adalah hasil perbincangan bersama di antara pihak UniSHAMS dan Yang Berbahagia Dato' Paduka Pengelola Bijaya DiRaja, Pejabat Kebawah Duli Yang Maha Mulia Tuanku Sultan Kedah yang telah diadakan sebelum ini, dengan mengambil kira risiko penularan berlakunya jangkitan Covid-19 sekiranya istiadat ini diadakan secara bersemuka.

Kaedah pelaksanaan Istiadat Konvokesyen UniSHAMS Kali Kedua Puluh Tiga secara Maya sepenuhnya ini akan melibatkan proses susun atur rakaman video dan gambar graduan penerima ijazah yang akan disunting, berdasarkan perjalanan Istiadat Konvokesyen penuh. Anggaran tempoh pelaksanaan Istiadat Konvokesyen secara Maya ini adalah selama tiga (3) hingga empat (4) jam untuk penganugerahan 1,287 orang graduan.

8. Ampun Tuanku beribu-ribu ampun, sembah patik mohon diampun.

Patik mewakili pihak pengurusan dan Lembaga Pengelola Universiti UniSHAMS dengan ini merafak sembah maklum dan memohon limpah perkenan Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS agar sudi apalah kiranya untuk memilih salah satu tarikh bagi acara rakaman video Kebawah Duli Yang Maha Mulia Tuanku Canselor untuk pelaksanaan Istiadat Konvokesyen UniSHAMS Kali Kedua Puluh Tiga secara Maya, seperti yang berikut:

BIL	TARIKH	HARI
1	2 Januari 2022	Ahad
2	4 Januari 2022	Selasa
3	10 Januari 2022	Isnin

Ampun Tuanku.

Sebagai makluman, acara rakaman video ini akan dilaksanakan oleh Bahagian Komunikasi Korporat, Pejabat Setiausaha Kerajaan Negeri Kedah berdasarkan pandangan dan nasihat Yang Berbahagia Dato' Paduka Pengelola Bijaya DiRaja, Pejabat Kebawah Duli Yang Maha Mulia Tuanku Sultan Kedah terhadap pengalaman dan kepakaran yang dimiliki.

Rakaman video ini akan disiarkan secara langsung menerusi laman sesawang khas Konvokesyen, Facebook UniSHAMS dan Youtube Channel UniSHAMS pada tarikh yang diperkenankan oleh Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS bagi pelaksanaan Istiadat Konvokesyen UniSHAMS Kali Kedua Puluh Tiga secara Maya.

Bersama ini juga patik persembahkan Atur Cara bagi acara rakaman video Kebawah Duli Yang Maha Mulia Tuanku Canselor untuk pelaksanaan Istiadat Konvokesyen UniSHAMS Kali Kedua Puluh Tiga secara Maya, seperti di halaman 16.

MASA (Durasi)	PEKARA
10:30 Pagi (5 Minit)	Keberangkatan tiba Kebawah DYMM Tuanku Sultan Kedah selaku Canselor UniSHAMS di lokasi acara rakaman video akan disambut oleh Naib Canselor UniSHAMS.
10:35 Pagi (10 Minit)	Persiapan persalinan Kebawah DYMM Tuanku Canselor UniSHAMS pemakaian Jubah dan Bonet Istiadat Konvokesyen oleh pihak Sekretariat UniSHAMS.
10:45 Pagi (2 Minit)	Naib Canselor UniSHAMS merafak sembah memohon perkenan Kebawah DYMM Tuanku Canselor UniSHAMS untuk berangkat ke Rostrum Utama bagi memulakan acara rakaman video.
10:47 Pagi (3 Minit)	Acara rakaman video Titah Pembukaan Istiadat Konvokesyen UniSHAMS Kali Ke-23 Secara Maya. Naib Canselor UniSHAMS merafak sembah dan mempersembahkan ' Q-Card ' No. 1, Titah Pembukaan Istiadat Konvokesyen.
10:50 Pagi (3 Minit)	Acara rakaman video Titah Pengisytiharan Penganugerahan Ijazah Doktor Falsafah, Ijazah Sarjana, Ijazah Sarjana Muda, Diploma dan Asasi. Naib Canselor UniSHAMS merafak sembah dan mempersembahkan ' Q-Card ' No. 2, Titah Pengisytiharan Penganugerahan.
10:53 Pagi (3 Minit)	Acara rakaman video Titah Pengisytiharan Penganugerahan Jaizah Imtiyaz Kulliyyah, Jaizah Imtiyaz Naib Canselor, Jaizah Imtiyaz Yayasan Sultanah Bahiyah, Jaizah Imtiyaz Pengerusi Lembaga Pengarah dan Jaizah Imtiyaz Tuanku Canselor. Naib Canselor UniSHAMS merafak sembah dan mempersembahkan ' Q-Card ' No. 3, Titah Pengisytiharan Penganugerahan.
10:56 Pagi (10 Minit)	Acara rakaman video Titah Kebawah DYMM Tuanku Canselor UniSHAMS. Naib Canselor UniSHAMS merafak sembah dan mempersembahkan ' Q-Card ' No. 4, Titah Kebawah DYMM Tuanku Canselor UniSHAMS.
11:06 Pagi (3 Minit)	Acara rakaman video Titah Penangguhan Istiadat Konvokesyen UniSHAMS Kali Ke-23 Secara Maya. Naib Canselor UniSHAMS merafak sembah dan mempersembahkan ' Q-Card ' No. 5, Titah Penangguhan Istiadat Konvokesyen.
11:09 Pagi (10 Minit)	Tamat acara rakaman video Kebawah DYMM Tuanku Sultan Kedah selaku Canselor UniSHAMS. Naib Canselor UniSHAMS merafak sembah memohon perkenan Kebawah DYMM Tuanku Canselor UniSHAMS untuk penanggalan Jubah dan Bonet Istiadat Konvokesyen oleh pihak Sekretariat UniSHAMS.
11:19 Pagi (10 Minit)	Keberangkatan pulang Kebawah DYMM Tuanku Sultan Kedah selaku Canselor UniSHAMS meninggalkan lokasi acara rakaman video.

9.	<p>Ampun Tuanku beribu-ribu ampun, sembah patik mohon diampun.</p> <p>Patik mewakili Lembaga Pengelola Universiti UniSHAMS dengan ini merafak sembah maklum kepada Kebawah Duli Yang Maha Mulia Tuanku Canselor berkaitan kuasa-kuasa yang telah diperuntukan di bawah Perlembagaan UniSHAMS sepertimana yang diluluskan oleh Kementerian Pengajian Tinggi (KPT) seperti yang berikut:</p> <p>Perkara 3.1(b), Perlembagaan UniSHAMS telah memperuntukkan kuasa perwakilan iaitu; jika atas apa-apa sebab Kebawah Duli Yang Maha Mulia Tuanku Canselor tidak berupaya menjalankan mana-mana fungsinya di bawah Perlembagaan UniSHAMS, perwakilan kuasa untuk mempengerusikan Istiadat Konvokesyen oleh Kebawah DYMM Tuanku Sultan Kedah selaku Canselor UniSHAMS boleh dilaksanakan seperti yang berikut:</p> <ul style="list-style-type: none">• Perwakilan Kuasa kepada Pro Canselor I• Perwakilan Kuasa kepada Pro Canselor II• Perwakilan Kuasa kepada Pengerusi Lembaga Pengelola Universiti (LPU)• Perwakilan Kuasa kepada Naib Canselor <p>Kuasa-kuasa perwakilan yang diperuntukan ini menggariskan opsyen atau pilihan yang bertujuan untuk memastikan Istiadat Konvokesyen yang merupakan acara kemuncak tahunan bagi graduan dapat dilaksanakan dengan sebaiknya.</p>
----	---

10.

Ampun Tuanku beribu-ribu ampun, sembah patik mohon diampun.

Patik mewakili Lembaga Pengelola Universiti UniSHAMS dengan ini merafak sembah maklum dan limpah perkenan Kebawah Duli Yang Maha Mulia Tuanku Canselor untuk menganugerahkan sijil akademik secara Maya kepada graduan UniSHAMS seperti yang berikut:

BIL.	KULLIYAH/PUSAT/PROGRAM	JUMLAH GRADUAN
Pasca Siswazah		
1.	Pasca Siswazah (Ijazah Sarjana & Ijazah Doktor Falsafah)	87
Pra Siswazah		
2.	Kulliyyah Bahasa Arab (Ijazah Sarjana Muda)	54
3.	Kulliyyah Syariah & Undang-Undang (Ijazah Sarjana Muda)	148
4.	Kulliyyah Usuluddin & Sains Al-Quran (Diploma & Ijazah Sarjana Muda)	208
5.	Kulliyyah Muamalat & Sains Pengurusan (Diploma & Ijazah Sarjana Muda)	71
6.	Kulliyyah Hospitaliti & Seni Kreatif (Diploma)	208
7.	Kulliyyah Perubatan & Sains Kesihatan (Ijazah Sarjana Muda)	1
8.	Pusat Pengajian & Penyelidikan Kewangan Islam (Ijazah Sarjana Muda)	89
9.	Program Francais UniSHAMS-KIAS (Ijazah Sarjana Muda)	152
10.	Program Francais UniSHAMS-KUIPSAS (Ijazah Sarjana Muda)	26
Asasi		
11.	Pusat Pengajian Asasi	243
JUMLAH KESELURUHAN GRADUAN		1,287

11.	<p>Ampun Tuanku beribu-ribu ampun, sembah patik mohon diampun.</p> <p>Patik mewakili Lembaga Pengelola Universiti UniSHAMS dengan ini merafak sembah dan memohon limpah perkenan Kebawah Duli Yang Maha Mulia Tuanku Canselor untuk menganugerahkan Jaizah Imtiyaz Tuanku Canselor secara Maya kepada Hanis Sofia binti Mohd. Norzalan, Ijazah Sarjana Muda Pentadbiran Perniagaan dengan Kepujian (Kewangan & Perbankan Islam).</p> <p>Jaizah Imtiyaz Tuanku Canselor merupakan anugerah tertinggi universiti yang dikurniakan kepada graduan yang cemerlang dalam bidang akademik dengan mencapai Kelas Pertama di peringkat Ijazah Sarjana Muda, serta bergiat aktif dalam kegiatan ko-kurikulum dan aktiviti pelajar.</p> <p>Ampun Tuanku beribu-ribu ampun, sembah patik mohon diampun.</p> <p>Patik mewakili Lembaga Pengelola Universiti UniSHAMS memohon limpah perkenan Kebawah Duli Yang Maha Mulia Tuanku Canselor agar sudi apalah kiranya untuk mengurniakan hadiah limpah kurnia Kebawah Duli Yang Maha Mulia Tuanku Canselor seperti yang berikut:</p> <ul style="list-style-type: none"><i>i) Sumbangan Wang tunai bernilai RM3,000.00</i><i>ii) Pingat / Plak</i><i>iii) Sijil</i>
-----	--

12.	<p>Ampun Tuanku beribu-ribu ampun, sembah patik mohon diampun.</p> <p>Bersama-sama ini juga patik persembahkan atur cara bagi pelaksanaan Istiadat Konvokesyen UniSHAMS Kali Kedua Puluh Tiga secara Maya, seperti di halaman 20 dan 21.</p>
MASA	PERKARA
9:00 pagi	Aluan Pengacara Majlis
9:05 pagi	Lagu Negeri Kedah 'Allah Selamat Sultan' dimainkan
9:10 pagi	Bacaan Al-Quran
9:15 pagi	<p><u>ISTIADAT KONVOKESYEN UniSHAMS KALI KE-23 SECARA MAYA DIMULAKAN</u></p> <p>Kebawah Duli Yang Maha Mulia Tuanku Canselor mengisytiharkan Istiadat Konvokesyen UniSHAMS Kali Ke-23 secara Maya dimulakan.</p>
9:18 pagi	<p><u>UCAPAN</u></p> <p>Naib Canselor UniSHAMS</p>
9:23 pagi	<p><u>PENGANUGERAHAN SIJIL AKADEMIK</u></p> <p>Titah penganugerahan oleh Kebawah Duli Yang Maha Mulia Tuanku Canselor</p>
9:26 pagi	<p><u>PENGANUGERAHAN SIJIL AKADEMIK SECARA MAYA</u></p> <p>Pengumuman Dekan/Pengarah Pusat</p>
9:30 pagi	<p>Penganugerahan Secara Maya:</p> <ul style="list-style-type: none"> - Ijazah Doktor Falsafah - Penganugerahan Ijazah Sarjana - Penganugerahan Diploma Pasca Siswazah - Penganugerahan Ijazah Sarjana Muda - Penganugerahan Diploma - Penganugerahan Asasi

	<p><u>PENGANUGERAHAN JAIZAH IMTIYAZ</u> Titah penganugerahan oleh Kebawah Duli Yang Maha Mulia Tuanku Canselor</p> <p><u>PENGANUGERAHAN JAIZAH IMTIYAZ SECARA MAYA</u> Penganugerahan Secara Maya:</p> <ul style="list-style-type: none"> - Jaizah Imtiyaz Kulliyyah - Jaizah Imtiyaz Naib Canselor - Jaizah Imtiyaz Yayasan Sultanah Bahiyah - Jaizah Imtiyaz Pengerusi Lembaga Pengarah - Jaizah Imtiyaz Tuanku Canselor - Ucapan Penerima Jaizah Imtiyaz Tuanku Canselor
11:30 pagi	<p><u>TITAH KEBAWAH DULI YANG MAHA MULIA TUANKU CANSELOR UniSHAMS</u> Titah Kebawah Duli Yang Maha Mulia Tuanku Canselor UniSHAMS secara maya</p>
11:40 pagi	<p><u>PENGUMUMAN PENGISYTIHARAN ALUMNI UniSHAMS</u> Pengumuman pengiytiharan Alumni oleh Naib Canselor UniSHAMS</p>
11:45 pagi	<p>BACAAN DOA</p>
11:50 pagi	<p><u>ISTIADAT KONVOKESYEN UniSHAMS KALI KE-23 SECARA MAYA DITANGGUHKAN</u> Kebawah Duli Yang Maha Mulia Tuanku Canselor UniSHAMS mengisytiharkan Istiadat Konvokesyen UniSHAMS Kali Ke-23 secara Maya ditangguhkan</p> <p>Lagu Tema Universiti “UniSHAMSkus Terus Gemilang” dimainkan</p>
12:00 tengahari	<p>Istiadat Konvokesyen UniSHAMS Kali Ke-23 secara Maya tamat</p>

13.

Ampun Tuanku beribu-ribu ampun, sembah patik mohon diampun.

Patik mewakili Lembaga Pengelola Universiti dan seluruh warga UniSHAMS, dengan ini merafak sembah dan menjunjung kasih di atas limpah perkenan Kebawah Duli Yang Maha Mulia Tuanku Sultan Negeri Kedah Darul Aman selaku Canselor UniSHAMS menerima mengadap pacal patik.

Di kesempatan ini juga, patik memanjatkan doa ke hadrat Allah Subhanahu Wata'ala agar Kebawah Duli Yang Maha Mulia Tuanku Sultan Negeri Kedah Darul Aman dan Kebawah Duli Yang Maha Mulia Tuanku Sultanah Negeri Kedah Darul Aman dilimpahi rahmat, usia zaman, dikurniakan kesejahteraan yang berpanjangan serta memerintah singgahsana Kerajaan Negeri Kedah Darul Aman dengan penuh kemuliaan.

*Raja Berdaulat Bejiwa Rakyat,
Meniti Di Bibir Sebagai Cerita,
Doa Jelata Terus Disemat,
Kekal Perintah Di Atas Tahkta.*

Ampun Tuanku.

Wassalamualaikum Warahmatullahi Wabarakatuh.

(Kebawah DYMM Tuanku Sultan berdiri untuk berangkat pulang)

(Naib Canselor berdiri dan mengangkat sembah serta menyebut "Menjunjung Kasih Tuanku")

(Tamat Majlis Mengadap Sembah)